



Ekspress Grill & Pizza Mohamadmahdi Abdullah Naoura
Haukedalen 205
5121 ULSET

Referanser:

Dykkar:

Vår: 18/1582 - 18/19227

Saksbehandlar:

Kristin Moe

kristin.moe@meland.kommune.no

Dato:

12.09.2018

Vedtak om påslepp av feithaldig avløpsvatn til kommunalt spillvassnett i Meland kommune

Administrativt vedtak. Saknr: 231/2018

Vedtak

«Meland kommune gjev løyve til påslepp av feithaldig avløpsvatn frå Ekspress Grill & Pizza Mohamadmahdi Abdullah Naoura, gbnr. 23/395, adresse Havnevegen 33, 5918 Frekhaug, under føresetnad av at vedlagte «Vilkår for påslepp av feithaldig avløpsvatn» blir overhalde.

Påsleppskrava gjeld frå dags dato og for påslepp av avløpsvatn frå eit feittutskiljaranlegg på eigedommen. Vedtaket er fatta på grunnlag av dei opplysningane som er gitt av tiltakshavar den 28.06.2018 og Grevstad Tvedt VVS AS den 02.07.2018.

Eigar av verksemda er ansvarleg for at gjeldande påsleppsvilkår blir overhalde, og pliktar å gjere seg kjend med desse samt å rette opp eventuelle avvik.»

Heimel for vedtak

Kommunen er myndigheit etter forurensningsforskriften § 15A-4 «påslipp til offentlig avløpsnett» og kan stille krav til påslepp til offentlig leidningsnett. Som myndigheit etter denne paragrafen blir kommunen også gitt myndigheit etter forurensningsloven §§49, 50, 51, 52. Krava i dette vedtaket er stilt med heimel i forurensningsforskriften § 15A-4 bokstav a – e samt lov 13. mars 1981 nr. 6 om vern mot forurensning og om avfall (forurensningsloven) §§ 51, 52.

Der det er nytta anna heimel, er dette angitt med fotnote.

Vurdering

Kommunen sitt avløpssystem er bygga og tilpassa for å behandle dei forureiningar som normalt finnast i sanitært avløpsvatn frå hushald og verksemder. Tilførsel av avløpsvatn med avvikande samansetnad, t.d. mykje feitt, kan føre til problem for miljøet, avløpsnettet, drift av reinseanlegg, for slamkvalitet og

Postadresse

postmottak@meland.kommune.no

Postboks 79, 5906 Frekhaug

Besøksadr: Havnevegen 41 A

5918 Frekhaug

Kontakt

www.meland.kommune.no

Telefon +47 56 17 10 00

Telefaks +47 56 17 10 01

Konto 1503 98 36413

Org.nr. 951 549 770

Kartinfo: www.nordhordlandskart.no

resipient. I tillegg kan det føre til utilfredsstillande arbeidsforhold og helseskadar hos personell som arbeidar med avløpssystemet.

Påslepp av feitthaldig avløpsvatn frå verksemd forårsakar gjentetting av røyrsystem. Når feitthaldig avløpsvatn kjem ut i kommunen sitt avløpsnett vil temperaturen bli seinka. Dette vil føre til at feittet stivnar og festar seg som store klumpar til røyr, pumpar, rister og anna utstyr slik at avløpssystemet ikkje fungerer som det skal. Gjentetting av røyrsystem kan føre til flom i kjellarar, skade på eigedommar og forureining av vassdrag og fjord. Feitt rotnar under danninga av illeluktande gassar som gir eit utilfredsstillande miljø for personell som utfører arbeid på avløpssystemet. Under gitte omstende kan feittavleiring føre til danning av gassen hydrogensulfid, som både er giftig og forårsakar etseskadar på betongrøyr. Ved høge konsentrasjonar er gassen brannfarleg.

Meland kommune krev difor i utgangspunktet at alle verksemder som har påslepp av feitthaldig avløpsvatn installerer feittutskiljar. Kravet gjeld ved tilknytning til offentleg avløpsanlegg som omfattar både nyetableringar og eksisterande verksemder.

Etter kommunen sin vurdering kan det feitthaldige avløpsvatnet bli sleppt til kommunalt spillvassnett under føresetnad av at vedlagte påsleppskrav vert overhalde.

Tilsyn

Kommunen eller den som kommunen gjev fullmakt har anledning til å foreta tilsynsbesøk hos verksemda. Verksemda plikter å leggje fram dokumentasjon på at påsleppskrava blir overhalde.

Misleghald

For å sikre at vilkåra blir overhalde, kan kommunen treffe vedtak om tvangsmulkt i medhald av forurensningsloven § 73 «Tvangsmulkt ved forhold i strid med loven».

Kommunen kan også gje pålegg i medhald av forurensningsloven § 7 fjerde ledd «plikt til å unngå forurensning» og eventuelt sørgje for umiddelbar gjennomføring i medhald av forurensningsloven § 74 «Umiddelbar gjennomføring ved forurensningsmyndigheten».

Klageadgang

Vedtaket er eit enkeltvedtak etter reglane i lov om offentleg forvaltning (fvl.). Fylkesmannen er klageinstans for vedtak fatta med heimel i forurensningsforskriftens § 15A-4. Klagefristen er på 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen bør grunngjevast.

Ved all vidare kontakt i denne saka, ver vennleg å referer til saksnr.: 18/1582

Med helsing

Anny Bastesen
sektorsjef teknisk

Kristin Moe
juridisk rådgjevar

Dokumentet er elektronisk godkjent og har difor ingen signatur.

Vedlegg:

Krav til påsepp av feitthaldig avløpsvatn, gitt i vedtak datert 12.09.2018 til Ekspress Grill & Pizza
Mohamadmahdi Naoura

Kopi til:

Astrid Horghagen Tvedt

Mottakere:

Ekspress Grill & Pizza

Haukedalen 205

5121

ULSET

Mohamadmahdi Abdullah Naoura